

昌已後也。墓中有陶器九件。在曹塋之東，爲蘇塋，共二十一塚，門均東南向。在第一塚，得墓表一方，題延昌廿二年，蘇玄勝妻賈氏，朱書朱格。無陶器。第二塚墓表爲朱書，題延壽十五年蘇口相。得陶器五件。以上諸塋地，皆在大道已北，爲余等日來所工作之地也。

在三月之八日，余爲土人所習稱之阿亦普沁所驅使，擬前往尋覓。乃留汗木多利與小侯每日仍帶領二十名工人工作溝西路南之古塋地。余帶毛拉及引導者，於今日正午向東南出發。下午一時出溝口，轉南行，經連木沁村莊，入戈壁，往南，經大莊子，住於錫蘭木一纏民家中。次晨又出發向西南行，渡托克遜水，發現阿薩土拉，爲古時塋堡，以捍衛大道旁之行旅者。蓋由魯克沁旁庫魯克山往西，經艾丁柯爾之南岸，過畢占土拉，阿薩土拉，入庫木什山，至焉耆，爲唐時之銀山道。郭孝恪攻焉耆，卽取道於此。現有大道轍迹，纏名北京郵路，由東至西。沿此大道，有古時土墩，纏民呼爲土拉，形成一線，以保護當時大道旁居民與屯卒。阿薩土拉卽其中之一也。過此，仍爲鹹灘、鹽硝攪泥、枯葦疆結。鱗積成波浪形。下午二時，住於英兒野勒克羊廠。次晨，卽騎馬覓古城。傳說古城在山邊，及至，除白色如銀之庫魯克達格山石外，不見有何古代遺迹可尋，但由此可知古人取名銀山之意也。沿山麓往東行，覓得古墓塋多處，則知古時沿艾丁湖畔而居者亦甚衆多，生時牧蓄於湖岸，死則葬於此山麓也。三月十一日卽開始返行，又經蒙古墳塋